

四庫全書

集部

欽定四庫全書

集部

萬首唐人絕句卷六

三五至

詳校官庶吉士臣柳邁祖

助教臣常循覆勘

總校官編修臣王燕緒

校對官編修臣勵守謙

謄錄監生臣何大士

欽定四庫全書

萬首唐人絕句卷六十三

宋 洪邁 編

七言

東林寺寄包侍郎

靈澈

古殿清陰山木春
池邊跂石一觀身
誰能來此焚香坐
共作鑪峰二十人

答徐廣州四問

童子出家無第行隨師乞食遺稱名長沙豈敢論年幾
絳老唯知甲子生

答韋丹

年老心閒無外事麻衣草座亦終身相逢盡道休官去
林下何曾見一人

答胡處士

皎然

西山禪隱比來聞長道唯應我與君書上無名心忘却
人間聚散似浮雲

答張烏程

莫道謫官無主人秣陵才今日相親前溪更有忘憂處
荷葉田田間白蘋

酬張明府

愛君詩思動禪心使我休吟待鶴吟更說郡中黃霸在
朝朝無事許招尋

酬祁判官

歲歲湖南隱已成如何星使忽知名沙鷗慣逐無心客

金少隱先生集卷六十三
今日逢君不解驚

舟行懷閩士和

二月湖南春草徧橫山渡口花如霰相思一日在孤舟
空見歸雲兩三片

寄雲門寺梵僧

越山千萬雲門絕高僧貌古還明月清朝掃石行道歸
林下眠禪看松雪

戲呈吳憑

世人不知心是道只言道在他方妙還如瞽者望長安
長安在西向東笑

李中丞水亭夜集

佳人且莫吹參差正憐月色生酒卮山翁取醉豈關我
自愛樽前白鷺鷥

夜過康錄事宅會兄弟

愛君門館夜來清瓊樹雙枝是弟兄月在詩家偏足思
風過客位更多情

酬秦系戲贈二首

正論禪寂忽狂歌
莫是塵心顛倒多
白足行花曾不染
黃囊貯酒欲如何

雲林出定鳥未歸
松吹時飄雨沐衣
石語花悲徒自詫
吾心見境盡為非

題秦系麗句亭

獨將詩教領諸生
但愛青山不愛名
滿院竹聲堪愈疾
亂林花片足忘情

題湖上草堂

山居不買剡中山湖上千峰處處閒
芳草白雲留我住世人何事得相關

送顧道士遊洞庭山

見說洞庭無上路春遊亂踏五靈芝
含桃風起花狼籍正是僂翁綦散時

青陽上人院說金陵故事

君說南朝全盛日秣陵才子最多人
十年秋色古池館

誰見齊王西邸春

江上人禪居

路入松聲遠更奇
山光水色共參差
中峰禪寂一僧在
坐對梁朝老桂枝

題松

為愛松聲聽不足
每逢松樹更忘還
翛然此外更何事
笑向閒雲似我閒

送侯秀才南遊

芳草隨君自有情，不關山色與猿聲。
為看嚴子灘頭石，曾憶題詩不著名。

送韋向之睦州謁使君

才子南看多遠情，閒舟蕩漾任春行。
新安江色長如此，何似新安太守清。

九月八日送蕭少傅歸洪州

明日重陽今日歸，布帆絲雨暮霏霏。
行過鶴渚知堪住，家在龍沙意有違。

送皇甫曾侍御

維舟若許暫從容，送過重江不厭重。
霜簡別來今始見，雪山歸去又難逢。

聽胡笳送人

一奏胡笳客未停，野僧還欲廢禪聽。
難將此意臨江別，無限春風葭葉青。

江上送梁拾遺

江上荻花飛雪花，風吹撩亂滿袈裟。
如今歲晏無芳草，

獨對離樽作物華

送僧遊宣城

楚山千里一僧行
念爾初緣道未成
莫向舒姑泉口泊
此時嗚咽易傷情

送履上人還金陵

攜錫西山步綠莎
禪心未了奈情何
湘宮水寺清秋夜
月落風悲松柏多

送聰上人還廣陵

莫學休公學遠公了心還與我心同
隋家古柳數株在
看取人間萬事空

送洞庭維諒上人

白雲關我不關他
此物留君情最多
憶著春風生橘樹
歸心不怕洞庭波

送太祝姪之虔吉訪兄

阮咸別曲四座愁
賴是春風不是秋
漫漫江帆訪兄弟
猿聲幾夜宿蘆洲

冬夜送人

平明走馬上村橋
花落梅溪雪未消
日短天寒愁送客
楚山無限路迢迢

送嚴上人

初到人間柳始陰
山書昨夜報春深
朝朝花落幾株樹
惱殺禪翁未證心

送僧之揚州

平明環錫向風輕
正及隋堤柳色行
知爾禪心還似我

故宮春草肯傷情

送李繹

斜日悠揚在柳絲
孤亭寂寂水逶迤
誰堪別後行人盡
唯有春風起路岐

送僧之京師

綿綿眇眇楚雲繁
萬里西歸望國門
禪子初心易悽斷
秋風莫上少陵原

送許丞還洛陽

刻茗情來亦好斟
空門一別肯沾襟
悲風不動罷瑤軫
忘却洛陽歸客心

送別

聞說情人怨別情
霜天淅瀝在寒城
長宵漫漫角聲發
禪子無心恨亦生

送裴參軍還下邳舊居

北望烟霄驃騎營
邊烽無火楚天清
此時千里思歸客
洒上春風得返耕

送僧歸富陽

悠悠渺渺涉寒波
故寺思歸意若何
長憶孤舟三二月
春山偏賞富陽多

送僧歸洞庭

從來湖上勝人間
遠愛浮雲獨自還
孤月空天見心地
寥寥三境水中山

送商季皋

比來知爾有詩名
莫恨東歸學未成
新豐有酒為我飲

消取故園傷別情

送邢台州

海上名山屬使君
石橋琪樹古來聞
他時畫出白團扇
乞取天台一片雲

送柳蔡省叔

東城南陌強經過
怨別無心亦放歌
明日阮公應問我
閒雲長在石門多

赤松澗

綠岸朦朧出見天
晴沙歷歷水濺濺
何處羽人長洗藥
殘花無數逐流泉

晚秋破山寺

秋風落葉滿空山
古寺殘燈石壁間
昔日經行人去盡
寒雲夜夜自飛還

釋裴脩春愁

蝶舞鶯歌喜歲芳
柳絲裊裊蕙蘭香
江南春色共君看
何事君心獨自傷

長安少年行

翠樓春酒蝦蟆陵
長安少年皆共矜
紛紛半醉綠槐道
蹀躞花驄驕不勝

春夜集陸處士居

欲賞芳菲不待晨
無情人訪有情人
西林豈是無清景
祇為忘情不記春

王昭君

自倚嬋娟望主恩
誰知美惡忽相翻
黃金不買漢宮貌

青塚空埋秦地魂

銅雀妓

強開尊酒向陵看
憶得君王舊日歡
不覺餘歌悲自斷
非關艷曲轉聲難

長門怨

春風日日閉長門
搖蕩春心似夢魂
若遣花開只笑妾
不如桃李自無言

投知己

若為令憶洞庭春上有閒雲可隱身無限白雲山要買
不知山價出何人

塞下曲二首

寒塞無因見落梅被人吹入笛聲哀勞勞亭上春應度
夜夜城南戰未回

都護今年破武威烟沙萬里鳥空飛旌竿瀚海掃雲出
羣騎天山踏雪歸

送蜀僧

清塞

萬里獨行無弟子
唯賣筇竹與檀龕
看經更向吳中老
應是山川似劔南

送僧歸南嶽二首

草屨初登南客船
銅瓶猶貯北山泉
衡陽舊寺秋歸去
門鎖寒潭幾樹蟬

衡陽一別十三春
行脚同來有幾人
老大却思歸故里
當時未漆祖師身

過僧竹院

一生愛竹自未有每到此房歸不能高人留宿話禪後
寂寞雨堂空曉燈

宿劉員外林亭

獨樹倚亭新月入城牆裏面鎖山多去年今夜還留宿
坐見西風裏燕窠

憶潯陽舊居兼感長孫郎中

潯陽却到知何日此地今無舊使君長憶窮冬宿廬嶽
瀑泉冰折共僧聞

雨後欲尋天目山

靈一

昨夜雲生天井東
春山一雨幾回風
林花併逐溪流下
欲上龍池通不通

看金陵圖

齊己

六朝圖畫戰爭多
最是陳宮計數訛
若愛蒼生似歌舞
隋皇自合恥干戈

寄南嶽秦禪師

江頭默想坐禪峰
白石山前萬丈空
山下獵人應不到

雪深花鹿在菴中

片雲

水底分明天上雲可憐形影似吾身何妨舒作從龍勢
一雨吹消萬里塵

寄清溪遁者

萬重千疊紅霞嶂夜燭朝香白石龕常寄溪窻凭危檻
看經影落古龍潭

送胎髮筆寄仁公

內唯胎髮外秋毫綠玉新裁管束牢
病手疼無那爾却資年少寫風騷

偶作寄王祕書

七絲湘水秋深夜五字河橋日暮時
借問祕書郎此意靜彈高詠有誰知

謝惠紙

烘焙幾工成曉雪輕明百幅疊春冰
何消才子題詩外分與能書貝葉僧

答文勝大師

纔把文章干聖主，便承恩澤換禪衣。
應嫌六祖空傳祢，只向曹溪永息機。

寄懷文英大師

著紫袈裟名已貴，吟紅菡萏價兼高。
秋風曾憶相留處，門對平湖滿白濤。

懷道林

四絕堂前萬木秋，碧參差影壓湘流。
閒思宋杜題詩板，

一上凭欄到夜休

辭主人四首

放鶴

華亭又復去芝田
丹頂霜毛性可憐
縱與乘軒終誤主
不如還放却遼天

放猿

堪憶春雲十二峰
野桃山杏摘香紅
王孫可念愁金鎖
縱放斷腸明月中

放鷺鷥

白蘋紅蓼碧江涯
日暖雙雙立睡時
願揭金籠放歸去
却隨沙鶴鬬輕絲

放鸚鵡

隴西蒼巘結巢高
本為無人識翠毛
今日籠中強言語
乞歸天外啄含桃

城中懷山友

春城來往桃李碧
暖艷紅香斷消息
吾徒自有山中鄰

白晝冥心坐嵐壁

送人往長沙

荆門歸路指湖南千里風帆興可諳
好聽鷓鴣啼雨處
木蘭舟晚泊春潭

偶題

時事嬾言多忌諱野吟無主苦縱橫
君看三百篇章首
何處分明著姓名

贈琴客

曾携五老峰前過幾向雙松石上彈此境此聲誰更愛
掀天羯鼓滿長安

勉吟僧

萬途萬轍亂真源白晝勞形夜斷魂忍著袈裟把名紙
學他低折五侯門

夏日城中作二首

三面僧鄰一面牆更無風路可吹涼他年捨此歸何處
青壁紅霞裏石房

欽定四庫全書

萬首唐人絕句
卷六十三

十六

竹低莎淺雨濛濛小檻幽窓暑月中有境牽懷人不會
東林門外翠橫空

默坐

燈引飛蛾拂燭迷露淋棲鶴壓枝低冥心坐睡蒲團穩
夢到天台過剡溪

水邊行

身著袈裟手杖藤水邊行止不妨僧禽棲日落猶孤立
隔浪秋山千萬層

翡翠

水邊飛去青難辨竹裏歸來色一般磨吻鷹鷂莫相害
白鷗鴻鶴滿沙灘

送藏休上人二首

事遂鼎湖遺劔履時來渭水擲魚竿欲知賢聖存亡道
自向心機反覆看

一枝霜雪未霜頭爭遣藏休肯便休學盡世間難學事
始堪隨處任虛舟

欽定四庫全書

萬首唐人絕句
卷六十三

十七

幽齋

幽院纔容箇小庭疎篁低短不堪情春來猶賴鄰僧樹
時引流鶯送好聲

贈念法華經僧

萬境心隨一念平紅芙蓉坼愛河清治經功力能如是
任駕白牛安穩行

對菊

無艷無妖別有香裁多不為待重陽莫嫌醒眼相看過

却是真心愛澹黃

送惠空北遊

君向峴陽遊聖境我將何事託多才
丁寧墮淚碑前過
寫取斯文寄我來

寄懷歸州馬判官

三年為倖興何長高卧應多事
少忙久見秋風霜裏樹
滿山椒熟水雲香

觀荷葉露珠

霏微曉露成珠顆宛轉田田未有風任罷方圓性終在
不妨翻覆落池中

苦熱中懷玉泉寺

火雲如燒接蒼梧原野烟連大澤枯漫費葛衫葵扇力
爭禁泉石潤肌膚

折楊柳詞四首

鳳樓高映綠陰陰凝重多含雨露深莫謂一枝柔軟力
幾曾牽破別離心

館娃宮畔響廊前
依託吳王養翠烟
劍去國亡臺榭毀
却隨紅樹噪秋蟬

儂低似中陶
潛酒軟極如傷
宋玉風多謝將
軍統營種翠中
閒卓戰旗紅

高僧愛此遮江寺
遊子傷殘露野橋
爭似着行垂上苑
碧桃紅杏對搖搖

答長沙丁秀才書

月月便車奔帝闕
年年貢士過荆臺
如何三度槐花落

未見故人攜卷來

萬首唐人絕句卷六十三

欽定四庫全書

萬首唐人絕句卷六十四

宋 洪邁 編

七言

蟬二首

子蘭

獨蟬初唱古槐枝
委曲悲涼斷續遲
雨後忽聞誰最苦
異鄉孤館憶家時

哀柳蟬吟旁濁河
正當殘日角聲和
尋常不足少愁思

此際聞時愁更多

太平坊尋裴郎中故宅

不語淒涼無限情
荒堦行盡又重行
昔年此住何人在
滿地槐花秋草生

登樓

邊邑鴻聲一例秋
大波平日遶山流
故人千里同明月
盡夕無言空倚樓

長安早秋

風舞槐花落御溝
終南山色入城秋
門門走馬徵兵急
公子笙歌醉玉樓

對雪

密密無聲墜碧空
霏霏有韻舞微風
幽人吟望搜辭處
飄入牕來落硯中

鸚鵡

翠毛丹觜乍教時
終日無憀似憶歸
近來偷解人言語
亂向金籠說是非

晚景

池荷裛颯菊芬芳
策杖吟詩上草堂
滿目暮雲風卷盡
郡樓寒角數聲長

長安傷春

霜隕中春花半無
狂遊恣飲盡兇徒
年年賞翫公卿輩
今委溝塍骨漸枯

河梁晚望二首

水勢滔滔不可量
漁舟容易泛滄浪
連山翠靄籠沙渚

白鶴翩翩下夕陽

雨添一夜秋濤濶極目茫茫似接天不知龍物潛何處
魚躍蛙鳴滿檻前

悲長安

何事天時禍未回生靈愁悴若寒灰豈知萬頃繁華地
強半今為瓦礫堆

千葉石榴花

一朵花開千葉紅開時又不藉春風若教移在香閨畔

定與佳人艷色同

端午

文秀

節分端午自誰言
萬古傳聞自屈原
堪笑楚江空渺渺
不能洗得直臣冤

寒食至郊外

雲表

寒食悲看郭外春
野田無處不傷神
平原累累添新塚
半是去年來哭人

秋夜吟

尚顏

梧桐雨畔夜愁吟
斗數衣從蘚色侵
枉道一生無繫著
湘南山水別人尋

行次漢上

無本

習家池沼草萋萋
嵐樹光中信馬蹄
漢主廟前湘水碧
一聲風角夕陽低

馬嵬

長川幾處樹青青
孤驛危樓對翠屏
一自玉皇惆悵後
至今來往馬蹄腥

送友人之上都

法震

玉帛招賢楚客稀
猿啼相送武陵歸
湖頭望入桃花去
一片春帆帶雨飛

夜夜曲

貫休

蟋蟀切切風騷騷
芙蓉噴香蟾蜍高
孤燈耿耿征婦勞
更深撲落金錯刀

少年行

錦衣鮮華手擘鶻
閭行氣貌多輕忽
稼穡艱難總不知

五帝三王是何物

春晚書山家主人屋壁

柴門寂寂黍飯馨
山家烟火春雨晴
庭花濛濛水泠泠
小兒啼索樹上鶯

深山逢老僧

衲衣線纍心似月
自把鋤鋤崗楮杻
青石溪邊踏葉行
數片雲隨兩眉雪

邊上作二首

山無綠兮水無清風既毒兮沙亦腥健兒走馬疾飛鳥
聯翩射落雲中聲

陣雲忽向沙中起探得強兵過遼水堪嘆護塞征戍兒
未戰已疑身是鬼

將入廬山別僧二首

噴嵐堆黛塞寒碧牕前古雪如白石臨岐約我來不來
若來須撥紅霞覓

紅豆樹間滴紅雨戀師不得依師住世情世界愁殺人

錦繡谷中歸舍去

宿深村

行行一宿深村裏
雞犬豐年鬧如市
黃昏見客合家喜
月下取魚戽塘水

別仙客

巨鼇頭縮鬣
仙翠蟠桃爛落珊瑚地
浪濺霓旌濕鵬翅
略別千年太容易

樵叟

樵父貌饑帶風雨自言一生苦寒暑檐頭擔箇赤瓷甕
斜陽獨入濛朧塢

馬上作

柳暗花堤夕照紅風清襟袖響璁璁行人莫訝頻回首
家在凝嵐一點中

終南僧

聲利掀天竟不聞草衣木食度朝昏遙思山雪深一丈
時有仙人來打門

乞食老僧

赤樓欄笠眉毫垂拄柳栗杖行遲遲時人只施盂中飯
心似白蓮那得知

秋歸東陽臨岐上三衢杜使君六首

小謝清高大謝才聖君令泰此方來一從到後長無事
鈴閣公庭滿綠苔

紅錦帳中歌白雪烏皮几畔撫青英不知何物為心地
賽却澄江徹底清

誰報田中有黑蟲一家齋戒減仙容分憂若也皆如此
天下家家有剩春

憂民心切出衝炎禾稼如雲喜氣兼林下閤人亦何辜
也隨旌旆到銀尖

枯骨縱橫遍水湄盡收為冢碧參差分明為報精靈輩
好送旌旗到鳳池

捨魯依劉一片雲好風吹去遠纖塵猶期明月清風夜
來作西園第八人

再遊東林寺三首

臺殿參差聳瑞烟
桂花飄雪水潺潺
莫疑遠去無消息
七萬餘年始半年

宣玄舊輦殘雲濕
耶舍孤墳落照遲
有箇山僧倚松睡
恐人來取白猿兒

玉像珠龕香陣橫
錦霞多傍石牆生
辟蛇行者今何在
花裏唯聞鴝鳥聲

題蘭江言上人院二首

一生只著一麻衣
道業還欺習彥威
手把新詩說山夢
石橋天柱雪霏霏

只是危吟坐翠層
門前岐路自崩騰
青雲名士時相問
茶煮西峰瀑布冰

書石壁禪居

赤旂檀塔六七級
白菡萏花三四枝
禪客相逢勸歸去
此心能有幾人知

送友人游茅山

茅真舊宅基猶在藥竈苔深土尚殷君見道人憑與問
大還還字若為還

聽僧彈琴

家近吳王古戰城海風終日打檣聲今朝鄉思渾堆積
琴上聞師大蟹行

風琴

至竟心為造化功一枝青竹四絃風寥寥雙耳更深後
如在緱山明月中

庭橘

蟻踏金苞四五株
洞庭山上味何殊
不緣松樹稱君子
肯便甘人喚木奴

落花

蝶醉蜂癡一簇香
繡葩紅蒂墮殘芳
因嗟好德人難得
公子王孫盡斷腸

苦吟

河薄星疎雪月孤
松枝清氣入肌膚
因知好句勝金玉

心極神勞特地無

偶然作

蟬聲引出石中蛩
寂寞門扃葉數重
誰道思山心不切
等閒畫作兩三峰

招友人宿

銀地無塵金菊開
紫梨紅棗墮莓苔
一泓秋水一輪月
今夜故人來不來

古戰處

鬼氣蒼黃棘葉紅昔時人血此時風可憐極目無疆地
曾落將軍一陣中

惜花

張泌

蝶散鶯啼尚數枝日斜風定更離披看多記得傷心事
金谷樓前委地時

寄人二首

別夢依依到謝家小廊回合曲欄斜多情只有春庭月
猶為離人照落花

酷憐風月為多情
還到春時別恨生
倚柱尋思倍惆悵
一場春夢不分明

別李源

天竺牧童

三生石上舊精魂
賞月吟風不要論
慚愧情人遠相訪
此身雖異性長存

身前身後事茫茫
欲話因緣恐斷腸
吳越溪山尋已遍
却回烟棹上瞿塘

題法雲寺雙檜

方壺居士

謝郎雙檜綠於雲昏曉濃陰色未分
若並毫宮仙鹿跡
定知高峭不如君

隋堤詞

嘗憶江都大業秋曾隨鑒蹕戲龍舟
傷心一覺興亡夢
堤柳無情織世愁

題紫微觀

建業卜者

昨日朝天過紫微
醺壇風冷杏花稀
碧桃泥我傳消息
何事人間更不歸

贈樊夫人

裴航

同舟吳越猶懷思
况遇天妃隔錦屏
倘若玉京朝會去
願隨鸞鶴入青冥

答裴航

樊夫人

一飲瓊漿百感生
玄霜杵盡見雲英
藍橋便是神仙窟
何必崎嶇上玉京

示毛女

芙蓉老人

餌柏身輕疊嶂閒
是非無意到人寰
冠裳暫脩論人世
一

餉雲游碧落間

和

秦宮毛女

誰知古是與今非
閒躡青霞統翠微
簫管秦樓應寂寞
彩雲空惹薜蘿衣

題慈恩塔二首

韋曲女仙

黃子陂頭好月明
忘却華筵到曉行
烟收山低翠黛橫
折得荷花遠恨生

湖水團團夜如鏡
碧樹紅花相掩映
北斗闌干移曉柄

有似佳期常不定

題玉壺

南溟夫人

來從一葉舟中來
去向百花橋上去
若到人間扣玉壺
鴛鴦自解分明語

贈封陟二首

上元夫人

謫居蓬島別瑤池
春媚烟花有所思
為愛君心能潔白
願操箕箒奉屏幃

美玉有夫皆得道
劉綱兼室盡登仙
君能子細窺朝露

須逐雲車拜洞天

留別

蕭郎不顧鳳樓人
雲澀回車淚臉新
愁殺蓬瀛歸去路
難窺舊苑碧桃春

題門右石上

王氏女

翫水登山無足時
諸仙頻下聽琴詩
此心不戀居人世
唯見天邊雙鶴飛

靜室歌

戚道遥

笑看滄海欲成塵
王母花前別衆真
千載却歸天上去
一心珍重世間人

送酒歌

洛苑花神

皎潔玉顏勝白雪
況乃當年對芳月
沈吟不敢怨春風
自嘆容華暗消歇

絳衣披拂露盈盈
淡染胭脂一朶輕
自恨紅顏留不住
莫怨春風道薄情

閔吟

君山老父

湘中老人讀黃老手援紫藟坐碧草春至不知湘水深
日暮忘却巴陵道

得仙詩

楊監真

天教絕粒應精誠道啟真心覺漸清雲外仙歌笙管合
花間風引步虛聲

飛鳥莫到人莫攀一隱十年不下山袖中短書誰為達
華山道士賣藥還

日落焚香坐醮壇庭花露濕漸更闌淨水仙童調玉液

春宵羽客化金丹

青童君

神女

月露飄飄星漢斜
獨行窈窕浮雲車
仙郎獨邀青童君
結情羅帳蓮心花

贈漢武帝

王母

珠露金風下界秋
漢家陵樹冷脩脩
當時不得仙桃力
尋作浮塵飄隴頭

答王母

漢武帝

五十餘年四海清自親丹竈得長生若言盡是仙桃力
看取神仙簿上名

和

王子晉

月照驪山露泣花似悲先帝早升霞至今猶有長生鹿
時遶溫泉望翠華

賦上清神女催妝

茅盈

水精帳開銀燭明風搖珠珮連雲清
休勻紅粉飾花態
早駕雙鸞朝玉京

席上賦

巢父

三星在天銀漢回人間旦色東方來玉苗瓊蕊亦宜夜
莫使一花衝曉開

題酒樓壁

伊用昌

此生生在此生先何事從玄不復玄已在淮南雞犬後
而今便在玉皇前

醉吟

許碣

閭苑花前是醉鄉酒醺王母九霞觴羣仙拍手嫌輕薄

謫向人間作酒狂

謫以再切

題漢州西湖

嚴公弼

西湖創置自房公
心匠縱橫造化同
見說鳳池推獨步
高名何事滯川中

題僧壁

韋蟾

一竹橫簷挂淨巾
竈無烟火地無塵
剃頭未必知心法
要且閑於名利人

詭李湯題名

渭水秦川拂眼明
希仁何事寡詩情
只應學得虞姬壻
書字纔能記姓名

贈同年子何澤

崔公

四十九年前及第
同年唯有老夫存
今日殷勤訪吾子
穩將鬢鬣上龍門

贈高僕射

李洞

征南破虜漢功臣
提劍歸來萬里身
閑倚陵雲金柱看
形容消瘦老於真

席間詠琴客

崔珏

七條弦上五音寒此藝知音自古難
唯有河南房次律始終憐得董庭蘭

獻廬江牧

曾生

拜玉亭間送客忙此時孤恨感離鄉
尋思往歲絕纓事肯向朱門泣夜長

酬朱慶餘

張籍

越女新粧出鏡心自知明豔更沈吟
齊紈未是人間貴

一曲菱歌敵萬金

酒後謝陸虔

崔櫓

醉時顛蹶醒時羞
麴蘖催人不自由
耐耐一雙窮相眼
不堪花卉在前頭

書滄浪峽亭板

鄭仁表

分陝東西路正長
行人名利火燃湯
路傍著箇滄浪峽
真是將閔攪撩忙

悼亡妓

韋氏子

惆悵金泥簇蝶裙
春來猶見伴行雲
不教布施剛留得
渾似知逢李少君

贈韋自東

大白山道士

三秋稽顙叩真靈
龍虎交時金液成
絳雪既凝身可度
蓬壺頂上彩雲生

萬首唐人絕句卷六十四

欽定四庫全書

萬首唐人絕句卷六十五

宋 洪邁 編

七言

酬人寄簾

魚玄機

珍簾新鋪翡翠樓
泓澄玉水記方流
惟應雲宿情相似
同向銀床恨早秋

和新及第悼亡

一枝月桂和烟秀萬樹江桃帶雨紅且醉尊前休悵望
古來悲樂與今同

秋思

自嘆多情是足愁況當風月滿庭秋洞房偏與更聲近
夜夜燈前欲白頭

江行二首

大江橫抱武昌斜鸚鵡洲前戶萬家畫舸春眠朝未足
夢為蝴蝶也尋花

烟花已入鷗鷺港畫舸猶題鸚鵡洲醉卧醒吟都不覺
今朝驚在漢江頭

聞李端公垂釣回

無限荷香淅暑衣阮郎何處美船歸自慙不及鴛鴦侶猶
得雙雙遶釣磯

隱霧亭

春花秋月入詩篇白日清宵是散仙空捲朱簾不曾下
長移一榻對山眠

重陽阻雨

滿庭黃菊離邊折兩朵芙蓉鏡裏開
落帽臺前風雨阻不知何處醉金盃

江陵愁望有寄

楓葉千枝復萬枝江橋掩映暮帆遲
憶君心似西江水日夜東流無歇時

送別二首

層城幾夜愜心期不料仙鄉有別離
睡覺不嫌雲去處

殘燈一盞野蛾飛

水柔逐器知難定雲出無心肯再歸惆悵春風楚江暮
鴛鴦一隻失羣飛

迎李員外

薛濤

今日喜時聞鵲喜昨宵燈下拜燈花焚香出入迎潘岳
不羨牽牛織女家

送盧員外

玉壘山前風雪夜錦官城北別離魂信陵公子如相問

長向夷門感舊恩

聽僧吹蘆管

曉蟬鳴咽暮鶯愁
言語殷勤十指頭
罷閱梵書勞一弄
散隨清磬泥清秋

酬郭簡州寄柑子

霜規不讓黃金色
圓質仍含御史香
何處同聲情最異
臨川太守謝家郎

上州主武相國二首

落日重城夕霧收
玳筵雕俎薦諸侯
因令朗月當庭燎
不使珠簾下玉鉤

東閣移尊綺席陳
貂簪龍節更宜春
軍城畫角三聲歇
雲幕初垂紅燭新

憶荔枝

傳聞象郡隔南荒
絳實豐肌不可忘
近有青衣連楚水
素漿還得類瓊漿

斛石山曉望寄呂侍御

曦輪初轉照仙局旋擘烟嵐上
宵冥不得立暉同指點
天涯蒼翠漫青青

斛石山書

王家山水裏圖中意思都盧粉墨容
今日忽登虛境望
步搖冠翠一千峰

寄辭

茵閣芝樓宵靄中霞開深見玉皇宮
紫陽天上神仙客
稱在人間立世功

送姚員外

萬條江柳早秋枝
裊地翻風色未衰
欲折爾來將贈別
莫教烟月兩鄉悲

酬祝十三秀才

浩思藍山玉彩寒
氷囊敲碎楚金盤
詩家利器馳聲久
何用春闈榜下看

別李郎中

花落梧桐別鳳想
登秦嶺更淒涼
安仁縱有詩將賦

一半音詞雜悼亡

送扶鍊師

錦浦歸舟巫峽雲綠波迢遞雨紛紛山陰妙術人傳久
也說將鵝與右軍

摩訶池贈蕭中丞

昔以多能佐碧油今朝同泛舊仙舟淒涼逝水頽波遠
唯有碑泉咽不流

和李書記席上見贈

翩翩射策東堂秀豈復相逢豁寸心可惜風光為誰麗
萬條絲柳翠烟深

棠梨花和李太尉

吳均蕙圃移嘉木正及東谿春雨時日晚鶯啼何所為
淺深紅膩壓繁枝

酬文使君

延英曉拜漢恩新五馬騰驤九陌塵今日謝庭飛白雪
巴歌不復舊陽春

酬吳隨君

支公別墅接花局買得前山總未經入戶剡溪雲水滿
高齋咫尺躡青冥

酬李校書

才遊愛外身雖遠學茂區中事易聞自顧漳濱多病後
空瞻遺翮舞青雲

賦凌雲寺二首

聞說凌雲寺裏苔風高日近絕纖埃橫雲照滌芙蓉壁是

待詩人寶月來

聞說凌雲寺裏花飛空遠磴逐江斜
有時鎖得嫦娥鏡
纓出霞臺五色霞

九日遇雨二首

萬里驚飈朔氣深江城蕭索晝陰陰
誰怜不得登山去
可惜寒芳色似金

茱萸秋節佳期阻金菊寒花滿院香
神女欲來知有意
先令雲雨暗池塘

酬雍才貽巴峽圖

千疊雲峯萬頃湖
白波分去繞荆吳
感君識我枕流意
重示瞿塘峽口圖

酬韋校書

芸香誤比荆山玉
那似登科甲乙年
淡地鮮風將綺思
飄花散蕊媚青天

上王尚書

碧玉雙幢白玉郎
初辭天帝下扶桑
手持雲篆題新榜

十萬人家春日長

和劉賓客玉薜

瓊枝的皪露珊珊欲折如披霞彩寒閑拂朱房何所似
緣山偏映日輪殘

江邊

西風忽報燕雙雙人世心形兩自降不為魚腸有真訣
誰能夜夜立清江

贈蘇三十中丞

洛陽陌上烟輪氣欲逐秋空繫隼飛今日芝泥檢徵詔
別須臺上振霜威

和郭員外題萬里橋

萬里橋頭獨越吟知憑文字寫愁心
納侯風韻兼前事
不止為舟也為霖

送鄭資州

雨暗眉山江水流離人掩袂立高樓
雙旌千騎駢東陌
獨有羅敷望上頭

江亭宴餞

綠沼紅泥物象幽
范汪兼倖李并州
離亭急管四更後
不見車公心獨愁

海棠溪

春教風景駐仙霞
水面魚身總帶花
人世不思靈卉異
競將紅纈淥輕紗

採蓮舟

風前一葉厭荷蕖
解報新秋又得魚
兔走烏馳人語靜

滿溪紅袂棹歌初

菱荇沼

水荇斜牽綠藻浮
柳絲和葉卧清流
何時得向溪頭賞
旋摘菱花旋泛舟

金燈花

欄邊不見蓑蓑葉
砌下唯翻艷艷叢
細視欲將何物比
曉霞初疊赤城宮

春郊遊眺寄孫處士二首

低頭久立白薔薇
愛似零陵香惹衣
何事碧鷄孫處士
百勞東去燕西飛

今朝縱目說芳菲
夾纈籠裙繡地衣
滿袖滿頭兼手把
教人識是看花歸

酬楊供奉法師見招

遠水長流潔復清
雪牕高卧與雲平
不嫌衮室無烟火
惟笑商山有姓名

試新服裁製初成三首

紫陽宮裏賜光綃仙霧朦朧隔海遙霜兔毳寒冰璽淨
嫦娥笑指織星橋

九氣分為九色霞五靈仙馭五雲車春風因過東君舍
偷樣人間染百花

長裾本是上清儀曾逐羣仙把玉芝每到宮中歌舞會
折腰齊唱步虛詞

寄張元夫

前溪獨立後溪行鷺識朱牕自不驚借問人間愁寂意

伯牙絃絕已無聲

酬辛員外折花見遺

青鳥東飛正落梅
衡花滿口下瑤臺
一枝為授殷勤意
把向風前旋旋開

贈遠二首

芙蓉新落蜀山秋
錦字開緘到是愁
閨閣不知戎馬事
月高還上望夫樓

擾弱青蒲綠又齊
春深花落塞前溪
知君未轉秦關騎

日照千門掩袖啼

送友人

水國蒹葭夜有霜
月寒山色共蒼蒼
誰言千里似今夕
離夢杳如關路長

秋泉

冷色初澄一帶烟
幽聲遙瀉十絲絃
長來枕上牽情思
不使愁人半夜眠

題竹郎廟

竹郎廟前多古木夕陽沉沉山更綠何處江村有笛聲
聲聲盡是迎郎曲

柳絮

二月柳花輕復微春風搖蕩惹人衣他家本是無情物
一向南飛又北飛

贈楊蘊中

死後作

玉漏深長烟耿耿東牆西牆時見影月明牕外子規啼
忍使孤魂愁夜永

邊將二首

裴羽仙

夫征身
奴不歸

風卷平沙日欲曛
狼烟遙認敵人羣
李陵一戰無歸日
望斷遙天哭塞塵

良人平昔逐蕃渾
力戰輕行出塞門
從此不歸成萬古
空留賤妾怨黃昏

闔閭城懷古

裴瑤

五湖春水接遙天
國破君亡不記年
唯有妖娥曾舞處
古臺寂寞起愁烟

獨夜詞

崔公遠

晴天霜聚寒風急
錦帳羅幃羞更入
秦箏不復續斷絃
回身掩淚挑燈立

寄故人

張窈窕

澹澹春風花落時
不堪愁坐更相思
無金可買長門賦
有恨空吟團扇詩

贈有思

與君咫尺長離別
遣妾容華為誰說
夕望層城眼欲穿

曉臨明鏡腸堪絕

寄征人

廉氏

淒淒北風吹鴛被
娟娟西月生蛾眉
誰知獨夜相思處
淚滴寒塘蕙草時

春閨怨

程長文

綺陌香飄柳如線
時光瞬息如流電
良人何處事功名
十載相思不相見

怨詩二首

姚月華

春水悠悠春草綠對此思君淚相續羞將離恨向東風
理盡春筇不成曲

與君形影分胡越玉枕終年對離別登臺北望烟雨深
回身泣向寥天月

長門怨二首

劉媛

雨滴梧桐秋夜長愁心和雨到昭陽淚痕不學君恩斷
拭却千行更萬行

學畫蛾眉獨出羣當時人道便承恩經年不見君王面

花落黃昏空掩門

贈張雲容舞

楊貴妃

羅袖動香香不已紅蕖裊裊秋烟裏輕雲嶺上乍搖風
嫩柳池邊初拂水

謝人送酒

孟昌期妻

謝將清酒寄愁人澄澈香甘氣味真好是綠牕風月夜
一杯搖動滿懷春

夫下第

杜羔妻劉氏

良人的有奇才何事年年被放回如今妾面羞君面
君到來時近夜來

絕張生

崔鶯鶯

自從消瘦減容光萬轉千回懶下牀不為傍人羞不起
為郎憔悴却羞郎

夫人相寄姨妹

元載妻王氏

相國已隨麟閣貴家風第一右丞詩笄年解笑鳴機婦
耻見蘇秦富貴時

喻元載阻客

楚水燕歌動畫梁
春蘭重換舞衣裳
公孫開閣招嘉客
知道浮榮不久長

燕子樓感事三首

張建封妾昞昞

樓上殘燈伴曉霜
獨眠人起合歡牀
相思一夜情多少
地角天涯不是長

北邙松柏鎖愁烟
燕子樓頭思悄然
自埋劍履歌塵散
紅袖香消已十年

適看鴻雁岳陽回又觀玄禽逼社來
瑤琴玉瑟無意緒
任教蛛網任從灰

和白舍人

自守空樓歛恨眉形同春後牡丹枝
舍人不會人深意
訝道泉臺不去隨

獻陳陶處士

豫章蓮花妓

蓮花為號玉為腮珍重尚書遣妾來
處士不生巫峽夢
虛勞神女下陽臺

題興元明珠亭

京兆女子

寂寥滿地落花紅，獨有離人萬眼中。
回首池塘更無語，手彈珠淚與東風。

續韋蟾句

武昌妓

悲莫悲兮生別離，登山臨水送將歸。
武昌無限新栽柳，不見楊花撲面飛。

寄歐陽詹

太原妓

自從別後減容光，半是思郎半恨郎。
欲識舊來雲髻綠，

為奴開取縷金箱

酬趙象

武氏妾非烟

綠慘雙蛾不自持
只緣幽恨在新詩
郎心應似琴心怨
脉脉春情更泥誰

答趙象獨坐

無力嚴裝倚繡櫳
暗題蟬錦思難窮
近來贏得傷春病
柳弱花歌怯曉風

寄懷

畫簷春燕須同宿
蘭浦雙鴛肯獨飛
長恨桃源諸女伴
等閒花裡送郎歸

答趙象

相思只怕不相識
相見還愁却別君
願得化為松上鶴
一雙飛去入行雲

歌送酒

鮑生妾

風颭荷珠難暫圓
多情信有短因緣
西樓今夜三更月
還照離人泣斷絃

憶崔生

紅綃妓

深洞鶯啼恨阮郎偷來花下醉
珠璫碧雲飄斷音書絕
空倚玉簫愁鳳凰

贈段何

客戶里女子

樂廣清羸經幾年
姹娘相託不論錢
輕盈妙質歸何處
惆悵碧樓紅玉鈿


贈沈警

張女娘仲妹

洞簫響兮風生流
清夜闌兮絃管適
長相思兮衡山曲

心斷絕兮秦隴頭

隴上雲車不復居
湘川斑竹淚沾餘
誰論衡山烟霧裏
空看雁足不傳書



萬首唐人絕句卷六十五

欽定四庫全書

集部

萬首唐人絕句卷六

九至

詳校官庶吉士臣柳邁祖

助教臣常循覆勘

總校官編修臣王燕緒

校對官編修臣勵守謙

謄錄監生臣何大士

欽定四庫全書

萬首唐人絕句卷六十六

宋 洪邁 編

七言

十離詩上浙東元相公

薛書記

犬離主

馴擾朱門四五年毛香足淨主人憐無端咬着親情客

不得紅絲毯上眠

筆離手

越管宣毫始稱情紅牋紙上撒花瓊都緣用久鋒頭盡
不得羲之手裏擎

馬離廐

雪耳紅毛淺碧蹄追風曾到日東西為驚玉貌郎君墜
不得華軒更一嘶

鸚鵡離籠

隴西獨自一孤身飛去飛來上錦綯都緣出語無方便

不得籠中再喚人

燕離窠

出入朱門未忍拋
主人常愛語交交
銜泥穢汚珊瑚簾
不得梁間更壘巢

珠離掌

皎潔圓明內外通
清光似眼水晶宮
都緣一點瑕相穢
不得終宵在掌中

魚離池

戲躍蓮池四五秋常搖朱尾弄輪鉤無端擺斷芙蓉朶
不得清波更一遊

鷹離主

爪利如鋒眼似鈴平原捉兔稱高情無端竄向青雲外
不得君王手裏擎

竹離亭

翁鬱新栽五行常將勁節負秋霜為緣春筍鑽牆破
不得垂陰覆玉堂

鏡離臺

鑄瀉黃金鏡始開
初生三五月徘徊為
遭無限塵蒙蔽
不得華堂上玉臺

人日翫雪

趙彥昭

始見青雲子律呂
俄逢瑞雪應陽春
今日回看上林樹
梅花柳絮一時新

湖州貢焙看發新茶

張文規

鳳輦尋春半醉回
僊娥進水御簾開
牡丹花笑金鋪動

傳奏吳興紫筭來

項羽廟

李山甫

為霸為王盡偶然有何羞見漢江船
停分天下猶嫌少可要行人贈紙錢

下第出春明門

曾和秋雨驅愁入却向春風領恨回
深謝霸陵隄畔柳與人頭上拂塵埃

游俠兒

好把雄姿渾世塵一場閒事莫因循
荆軻只為閒言語
不與燕丹了得人

望思臺

君父昏蒙死不回漫將平地築高臺
九層黃土是何物
銷得向前冤恨來

滄浪峽

走鞍飛蹄過此傍幾人留意問滄浪
煙波莫笑題名客
為愛朝宗日夜忙

代崇徽公主

金釵墜地鬢堆雲
自別昭陽帝豈聞
遣妾一身安社稷
不知何處用將軍

柳十首

灞岸江頭臘雪消
東風偷軟入纖條
春來不忍登樓望
萬架金絲著地嬌

受盡風霜得到春
一條條是逐年新
尋常送別無餘事
爭忍攀將過與人

長恨陽和也世情把香和艷與紅英家家只是栽桃李
獨自無根到處生

只為遮樓又拂橋被人摧折好枝條假饒張緒如今在
須把風流暗裏銷

弱帶低垂可自由傍他門戶傍他樓金風不解相擡舉
露壓煙欺直到秋

終日堂前學畫眉幾人曾道勝花枝試看三月春殘後
門外清陰是阿誰

也曾飛絮謝家庭從此風流別有名不是向人無用處
一枝愁殺別離情

從來只是愛花人楊柳何曾占得春多向客亭門外立
與他迎送往來塵

強扶柔態酒難醒漠漠春風別有情公子王孫且相伴
與君俱得幾時榮

無賴秋風斗且寒萬條煙罩一時乾遊人若要春消息
直向江頭臘後看

贈酒糾

洛中舉子

少挿花枝少下籌須防女伴妬風流坐中若打占相令
除却尚書莫點頭

贈紅綃妓

崔生

誤到蓬萊頂上游明璫玉女動星眸朱扉半掩深宮月
應照瓊枝雪艷愁

與徐兵曹酬獻二首 桐廬神滕傳嗣

浦口潮來初淼漫蓮舟搖颺采花難春心不愜空歸去

會待潮平更折看

忽然湖上片雲飛不覺舟中雨濕衣折得蓮花渾忘却
空將荷葉蓋頭歸

贈僧

卓立不求名出家長懷片志在青霞今日英雄氣衝蓋
誰能久坐寶蓮花

贈張無頗

廣利王女

羞解明璫尋漢渚但憑春夢訪天涯紅樓日暮鶯飛去

愁殺深宮落砌花

燕語春泥墮錦筵情愁無意整花鈿寒閨歌枕不成夢
香炷金爐自裊煙

雪溪神歌一首

山勢縈回水脉分水光山色翠連雲四時盡入詩人詠
後殺吳興柳使君

贈蕭郎

洛浦神女

玉筯凝腮憶魏宮朱絲一弄洗清風明晨追賞應愁寂

沙渚煙消翠羽空

織綃娘子

織綃泉底少歡娛
更勸蕭郎盡酒壺
愁見玉琴彈別鶴
又將清淚滴真珠

薄太后廟七首

薄后

月寢花宮得奉君
至今猶媿管夫人
漢家舊日笙歌處
煙草幾經秋復春

王昭君

雪裏穹廷不見春
漢衣雖舊淚常新
如今最恨毛延壽
愛把丹青錯畫人

戚夫人

自別漢宮休楚舞
不施粧粉恨君王
無金豈得迎商叟
呂氏何曾畏木強

楊太真

金釵墮地別君王
紅淚流珠滿御牀
雲雨馬嵬分散後

驪宮不復舞霓裳

潘妃

秋月春風幾度歸江山猶是舊宮非東昏舊作蓮花地
空想曾披金縷衣

綠珠

此日人非昔日人笛聲空怨趙王倫紅殘翠碎花樓下
金谷千年更不春

牛僧孺

香風引到大羅天月地雲階拜洞仙
共道人間惆悵事不知今夕是何年

憑張立本女吟一首

高侍郎

危冠廣袖楚宮裝獨步閒庭逐夜涼
自把玉簪敲砌竹清歌一曲月如霜

荅王軒

苧蘿川女

妾自吳宮還越國素衣千載無人識
當時心比金石堅今日為君堅不得

書韋氏巾

洞庭君

昔日江頭菱芡人
蒙君數飲松醪春
活居家室以為報
珍重長沙鄭德璘

贈馬祖

峽中白衣

截竹為筒作笛吹
鳳凰池上鳳凰飛
勞君更向黔南去
即是陶鈞萬類時

湘妃廟女子四首

渺渺三湘萬里程
淚篁幽石助芳貞
孤雲日斷蒼梧野

不得攀龍到玉京

碧杜紅蘅縹緲香水絲彈月夢清涼峰巒一一俱相似
九處堪疑百斷腸

玉輦金根去不回湘川秋晚楚絃哀自從泣盡江籬血
夜夜愁風怨雨來

少將風月怨平湖見盡扶桑水到枯相約杏花壇上去
畫欄紅子鬪樗蒲

送張雲容酒

蕭鳳臺

臉花不綻幾含幽
今夕陽春獨換秋
我守孤煙無白日
寒雲嶺上更添愁

劉蘭翹和

幽谷啼鶯整羽翰
犀沈玉冷自長歎
月華不忍扃泉戶
露滴松枝一夜寒

雲容和

韶光不鑒分成塵
曾餌金丹忽有神
不意薛生携舊律
獨開幽谷一枝春

薛昭和

誤入宮牆漏網人
月華清洗玉階塵
自疑來到蓬山頂
瓊艷三枝半夜春

寄夫周混

泉臺客人韋璜

早知離別切人心
悔作從來恩愛深
黃泉冥漠雖長逝
白日屏幃還重尋

幽冤詩

鄭瓊羅

痛填心兮不能語
寸腸斷兮訴何處
春生萬物妾不生

更恨香魂不相遇

贈元載

無名人

城東城西舊居處
城裏飛花亂如絮
海燕銜泥欲下來
屋裏無人却飛去

襄州舉人一首

流水涓涓芹芽織
烏西飛客還家
荒村無人作寒食
殞宮空對棠梨花

巴陵古館吟

老青衣

爺娘送我青楓根不記青楓幾回落當時手刺衣上花
今日為灰不堪著

贈崔季衡

王使君女

五原分袂真胡越燕拆鶯離芳草竭年少煙花處處春
北邙空恨清秋月

荅女子

崔季衡

莎草青青鴈欲歸玉腮珠淚灑臨岐雲鬟飄去香風盡
愁見鶯啼紅樹枝

五原女子一首

雲鬟消盡轉蓬稀
埋骨窮荒無所依
牧馬不嘶沙月白
孤魂空逐鴈南飛

示唐燕士

九華山白衣

澗水潺潺聲不絕
溪隴茫茫野花發
自去自來人不知
歸時唯對空山月

甘棠叟一首

春草萋萋春水綠
野棠開盡飄香玉
繡嶺宮前鶴髮人

猶唱開元太平曲

示顏濬

張麗華

秋草荒臺響夜蛩
白楊凋盡減悲風
綵牋曾襞欺江總
綺閣塵銷玉樹空

同賦

孔貴嬪

寶閣排雲稱望僊
五雲高豔擁朝天
青溪猶有當時月
應照瓊花綻綺筵

同賦

趙幼芳

素魄初圓恨翠蛾繁華濃艷竟如何南朝唯有長江水
依舊門前作逝波

和

顏濬

簫管清吟怨麗華秋江寒月綺窗斜慚非後主題牋客
得見臨春閣上花

同龐德公望荆門 鹿門少年馬紹隆

千年故國歲華奔一柱高臺已斷魂唯有峴亭清夜月
與君長嘯學蘇門

憶荆南

高名宋玉遺閒麗作賦蘭成絕盛才誰似遼東千歲鶴
倚天華表却歸來

金陵詞

故臺城妓

宮中細草香紅濕宮內纖腰碧窻泣唯有虹梁春燕雛
猶傍珠簾玉鉤立

耿將軍守瑩青衣一首

獨持巾櫛掩玄關小帳無人燭影殘昔日羅衣今化盡

白楊風起龍頭寒

石瓮寺紅裳歌一首

涼風暮起驪山空
長生殿鎖霜葉紅
朝來試入華清宮
分明憶得開元中

題王紹憲上

無名人

何人窻下讀書聲
南斗闌干北斗橫
千里思家歸不得
春風腸斷石頭城

題崇聖寺

漢州朱衣人

禁煙佳節同游此正值醑醺夾岸香緬想十年前往事
彊吟風景亂愁腸

同前

紫衣人

策馬暫尋原上路落花芳草尚依然家亡國破一場夢
惆悵又逢寒食天

題芭蕉葉

張仁寶

寒食家家盡禁煙野棠風墜小花鈿如今空有孤魂夢
半在嘉陵半錦川

贈昇道里美人

謝朓

陽臺後會杳無期
碧樹煙深玉漏遲
半夜香風滿庭月
花前竟發楚王時

美人答

相思無路莫相思
風裏花開只片時
惆悵金閨却歸處
曉鶯啼斷綠楊枝

春陽曲

長安美人

長安少女踏春陽
何處春陽不斷腸
舞袖弓彎渾忘却

羅帷空度九秋霜

悼亡姬二首

韋檢

寶劍化龍歸碧落
嫦娥隨月下黃泉
一杯酒向青春晚
寂寞書窗恨獨眠

白浪漫漫去不回
浮雲飛盡日西頽
始皇陵上千年樹
銀鴨金鳬也變灰

亡姬和

春雨濛濛不見天
家家門外柳如煙
如今腸斷空垂淚

歡笑重追別有年

贈峽山寺僧

袁氏

剛被恩情役此心無端變化幾湮沉不如逐伴歸山去
長嘯一聲煙霧深

贈姚坤

天桃

鈎華久御向人間欲捨鈎華更慘顏縱有青丘今夜月
無因重照舊雲鬟

寄紫蓋陽居士

黃陵美人

落葉棲鴉掩廟扉
菟絲金縷舊羅衣
渡頭明月好攜手
獨自侍郎郎不歸

邢君牙宅怪三首

昔日炎炎徒自知
今無烽燄欲何為
可憐國柄全無用

曾見人人下末時

鐵鉞

當時得意氣填心
一曲君前直萬金
今日不如庭下竹

風來猶得學龍吟

破笛

願焦鬢禿但心存
力盡塵埃不復論
莫笑今來同腐草

曾經終日掃朱門

禿帚

渾家門客

和且耶

蠅

冬朝每去依煙火
春至還歸養子孫
曾向符王筆端坐
爾來求食渾家門

寄同侶二首

盧倚馬

驢

長安城東洛陽道
車輪不息塵渺渺
爭利貪前競著鞭
相逢盡是塵中老

日晚長川不計程
離羣獨步不能鳴
賴有青青河畔草

春來猶得慰羈情

詠雪獻曹州房

敬去文狗

愛此飄飄六出公輕瓊冷絮舞長空當時正逐秦丞相
騰躑川原喜北風

言志二首

事君同樂義同憂那校糟糠滿志休不是守株空待兔
終當逐鹿出林丘

少年嘗負饑鷹用內顧曾無寵鶴心秋草毆除思去害

平原毛血興從禽

獻狄令

張辨

何用梯媒向外求
長生只合內中修
莫言大道人難得
自是行心不到頭

別墅偶題

蕭徹

新作茅齋野澗東
松楸交影足悲風
人間歲月如流水
何事頻行此路中

萬首唐人絕句卷六十六